



# ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԿԱՌՎԱՐՈՒԹՅՈՒՆ

## Ո Ր Ո Շ Ո Ւ Մ

21 ապրիլի 2016 թվականի N 397 - Ա

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՈՐԱԿԻ ԵՆԹԱԿԱՌՈՒՑՎԱԾՔԻ  
ԲԱՐԵՓՈԽՄԱՆ 2016 ԹՎԱԿԱՆԻ ԾՐԱԳԻՐԸ ԵՎ ԴՐԱ ԻՐԱԿԱՆԱՑՄԱՆ  
ՄԻՋՈՑԱՌՈՒՄՆԵՐԻ ԺԱՄԱՆԱԿԱՑՈՒՅՑԸ ՀԱՍՏԱՏԵԼՈՒ ՄԱՍԻՆ

---

Համաձայն Հայաստանի Հանրապետության կառավարության 2010 թվականի դեկտեմբերի 16-ի N 1693-Ն որոշման 3.1-ին և 3.2-րդ կետերի և Հայաստանի Հանրապետության կառավարության 2015 թվականի դեկտեմբերի 24-ի N 1555-Ն որոշման 15-րդ կետի 6-րդ ենթակետի՝ Հայաստանի Հանրապետության կառավարությունը որոշում է.

### 1. Հաստատել՝

- 1) Հայաստանի Հանրապետության որակի ենթակառուցվածքի բարեփոխման 2016 թվականի ծրագիրը՝ համաձայն N 1 հավելվածի.
- 2) Հայաստանի Հանրապետության որակի ենթակառուցվածքի բարեփոխման 2016 թվականի ծրագրի իրականացման միջոցառումների ժամանակացույցը՝ համաձայն N 2 հավելվածի:

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ  
ՎԱՐՉԱՊԵՏ

2016 թ. ապրիլի 26  
Երևան



Հ. ԱԲՐԱՀԱՄՅԱՆ

Հավելված N 1  
ՀՀ կառավարության 2016 թվականի  
ապրիլի 21-ի N 397 - Ա որոշման

2016 թվականի ծրագիր

**ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՈՐԱԿԻ ԵՆԹԱԿԱՌՈՒՑՎԱԾՔԻ  
ԲԱՐԵՖՈԽՄԱՆ**

**I. ՆԱԽԱԲԱՆ**

1. Որակի ենթակառուցվածքի բարեփոխման 2016 թվականի ծրագիրը, որպես գոյություն ունեցող ծախսային պարտավորություն, ամրագրված է Հայաստանի Հանրապետության 2016-2018 թվականների պետական միջնաժամկետ ծախսային ծրագրով (ՄԺԾԾ) 2016 թվականի համար հաստատված ծախսային պարտավորությունների համատեքստում։ Որակի ենթակառուցվածքի համակարգն էական ազդեցություն ունի Հայաստանի Հանրապետության տնտեսական զարգացման վրա, քանի որ ոլորտի քաղաքական սկզբունքներից է առևտրում խոչընդոտների բացառումը։

2. Որակի ենթակառուցվածքի բարեփոխումն իրականացվելու է հինգ ուղղությամբ, մասնավորապես՝

- 1) տեխնիկական կանոնակարգման.
- 2) հավատարմագրման.
- 3) ստանդարտացման.
- 4) չափագիտության.
- 5) շուկայի վերահսկողության ուղղություններով։

3. Որակի ենթակառուցվածքի բարեփոխման 2015 թվականի ծրագրի շրջանակներում իրականացվել են՝

- 1) տեխնիկական կանոնակարգման շրջանակներում՝

ա. Եվրամիության և Եվրասիական տնտեսական միության (այսուհետ՝ ԵԱՏՄ) տեխնիկական կանոնակարգման ոլորտի ոչ պարենային արտադրանքի գործող 4 տեխնիկական կանոնակարգերի ուսումնասիրություն, վերլուծություն և համադրում հակասությունների բացահայտմամբ,

բ. 2 կլոր սեղանների կազմակերպում պետական կառավարման, բիզնես միջավայրի և համապատասխանության գնահատման մարմինների ներկայացուցիչների մասնակցությամբ,

գ. ԵԱՏՄ 4 ոչ պարենային արտադրանքի գործող տեխնիկական կանոնակարգերի համադրում ազգային տեխնիկական կանոնակարգերի հետ՝ բացահայտելով այն տեխնիկական կանոնակարգերը, որոնցում ներառված դրույթները պետք է գործեն այլ իրավական ակտում (անհրաժեշտության դեպքում),

դ. Էտալոնային լաբորատորիա ինստիտուտի կայացում, ճանաչման կարգի և չափանիշների սահմանում,

ե. տեխնիկական կանոնակարգման ոլորտի մասնագետների ուսուցում՝ ԵԱՏՄ և ԵՄ միջազգային չափանիշներին համապատասխան՝ որակավորման և մասնագիտական զարգացման բարձրացմանն ուղղված դասընթացների, ուսուցողական այցերի, հանդիպումների և սեմինարների կազմակերպմամբ ԵԱՏՄ և ԵՄ երկրներում.

## 2) ստանդարտացման շրջանակներում՝

ա. ԵԱՏՄ տարածքում գործող տեխնիկական կանոնակարգերի պահանջներն ապահովող ստանդարտների փորձաքննություն և Հայաստանի Հանրապետությունում դրանց գործարկման ապահովում,

բ. ԵԱՏՄ տեխնիկական կանոնակարգման և ստանդարտացման բնագավառի կոմիտեների և ենթակոմիտեների նիստերին մասնակցություն,

գ. Ստանդարտների ազգային ինստիտուտի ՀԳՄ-ների գործունեության հաշվառման էլեկտրոնային բազայի ծրագրի մշակում և ներդրում,

դ. լարորատոր կարողությունների գարգացում՝ լարորատոր սարքերի համալրող արագամաշ սարքավորումների և փորձարկման ստանդարտ նմուշների ձեռքբերում.

3) չափագիտության շրջանակներում՝

ա. Էտալոնային համակարգերի տեխնիկական սպասարկման աշխատանքներ,

բ. ելակետային չափման միջոցների տրամաչափարկում Բելառուսի պետական չափագիտության ինստիտուտում,

գ. միջազգային համագործակցության մասնակցություններ, գործուղում Մոսկվա՝ ԵԱՏՄ շրջանակներում,

դ. ելակետային չափման միջոցների ձեռքբերում, այդ թվում՝ ԱԳԼՃԿ չափման միջոցների ստուգաչափման շարժական լարորատորիա, Էտալոնային ավտոկշեռք, ջրատար, թենգատար և այլ մեթենաների տրամաչափարկման համար, ելակետային չափանոթների հավաքածու,

ե. ԵԱՏՄ 3 տեխնիկական կանոնակարգերի չափագիտական փորձաքննություն, որը չի իրականացվել՝ ԵԱՏՄ տեխնիկական կանոնանակարգերի մշակման ամենամյա ծրագրում Հայաստանի Հանրապետության կողմից առաջարկի բացակայության պատճառով.

4) շուկայի վերահսկողության շրջանակներում՝

ա. տեխնիկական միջոցներով ապահովում (թանկարժեք մետաղների և ոսկերչական իրերի անալիգատորների ձեռքբերում), որն ապահովելու նպատակով Հայաստանի Հանրապետության Էկոնոմիկայի նախարարության կողմից 2015 թվականի սեպտեմբերի 10-ին հայտարարվել է մրցույթ՝ թանկարժեք մետաղների և ոսկերչական իրերի անալիգատորների ձեռքբերման համար: Մրցույթին մասնակից «Կոնցեն Էներգոմաշ» ՓԲԸ-ի, «Իմփորթ Էյջնսի» ՍՊԸ-ի և «Հուան Յուան Էլ Թերէնոլոցի» ՍՊԸ-ի մասնակիցները հրաժարվել են նվազեցնել ընկերությունների կողմից առաջարկվող գինը և «Գնումների մասին» Հայաստանի Հանրապետության օրենքի 35-րդ հոդվածի 1-ին մասի 4-րդ կետի

համաձայն՝ Հայաստանի Հանրապետության Էկոնոմիկայի նախարարության ՊԸՀ ՊԶԲ-15/02 ծածկագրով պարզեցված ընթացակարգը հայտարարվել է չկայացած,

բ. ԵԱՏՄ օրենսդրության մոտարկման նպատակով վերահսկողության ուղղված ԵԱՏՄ ոչ պարենային արտադրանքի տեխնիկական կանոնակարգերին համապատասխան ստուգաթերթերի նախապատրաստում,

գ. շուկայի վերահսկողության գործընթացում ընդգրկված տեսչական մարմնի համապատասխան մասնագետների ուսուցում միջազգային չափանիշներին համապատասխան: Հայաստանի Հանրապետության կառավարության 2015 թվականի սեպտեմբերի 10-ի «Հայաստանի Հանրապետության Էկոնոմիկայի նախարարության շուկայի վերահսկողության տեսչական մարմին ստեղծելու, շուկայի վերահսկողության տեսչական մարմնի կանոնադրությունը, կառուցվածքը, ամրակցվող գույքի ցանկը հաստատելու և Հայաստանի Հանրապետության կառավարության 2003 թվականի ապրիլի 23-ի N 524-Ն որոշումն ուժը կորցրած ճանաչելու մասին» N 1063-Ն որոշման համաձայն՝ լրիծարվել է շուկայի վերահսկողության պետական տեսչությունը: Ուստի «Շուկայի վերահսկողության համակարգի բարեփոխում և շուկայի վերահսկողության տեսչության կայացում» ծրագրի միջոցառումները չեն իրականացվել.

5) հավատարմագրման շրջանակներում իրականացվել են՝

ա. համակարգչային և թարգմանչական ծառայություններ (բացառությամբ իրավական ակտերի), այդ թվում՝ ՊՈԱԿ-ի կայքէջի սպասարկում և արդիականացում, ունեստրների (հավատարմագրված համապատասխանության գնահատման մարմինների, գնահատողների, փորձագետների, համապատասխանության սերտիֆիկատների և համապատասխանության հայտարարագրերի) սպասարկում և արդիականացում, ինչպես նաև հավատարմագրման ազգային մարմնի կայքէջի և հավատարմագրման ոլորտին առնչվող փաստաթղթերի թարգմանություն,

թ. հավատարմագրման ազգային մարմնի անձնակազմի ուսուցում՝ միջազգային չափանիշներին համապատասխան, այդ թվում՝ վերապատրաստման դասընթացներ և ուսուցողական այցեր,

գ. մասնակցություն աշխատաժողովներին, սեմինարներին՝ միջազտական և միջազգային համաձայնագրերով ստանձնած պարտավորությունների համաձայն:

4. Որակի բարեփոխման ծրագրի շրջանակներում 2016 թվականին նախատեսվում է իրականացնել՝

1) տեխնիկական կանոնակարգման շրջանակներում՝

ա. տեխնիկական կանոնակարգման ոլորտի առկա համակարգը բարեփոխել «Հայաստանի Հանրապետության Եվրասիական տնտեսական միության 2014 թվականի մայիսի 29-ի պայմանագրին միանալու մասին» պայմանագրով սահմանված պահանջներին համապատասխան, Առևտրի համաշխարհային կազմակերրպության Առևտրի տեխնիկական խոչընդոտները (ԱՀԿ ԱՏԽ) համաձայնագրի և ԵՄ տեխնիկական կանոնակարգման ոլորտի օրենսդրությամբ սահմանված պահանջների ներքո (չխոչընդոտելով ԵԱՏՄ միացման պայմանագրով նախատեսված դրույթները): Նախատեսվում է Եվրասիական տնտեսական միության և Եվրամիության տեխնիկական կանոնակարգման ոլորտի թվով 5 գործող ոչ պարենային արտադրանքի տեխնիկական կանոնակարգերի ուսումնասիրություն և համադրում՝ հակասությունների բացահայտման տեսանկյունից: Հակասությունների առկայության դեպքում առաջարկություններ կներկայացվեն ԵԱՏՀ՝ տեխնիկական խոչընդոտ հանդիսացող հակասությունների վերացման վերաբերյալ,

թ. Եվրասիական տնտեսական միության թվով 4 ոչ պարենային արտադրանքի տեխնիկական կանոնակարգերի նախագծերի համադրում ազգային տեխնիկական կանոնակարգերի հետ՝ ԵԱՏ հանձնաժողովին հանրապետության գործարար միջավայրի համար կարևոր դրույթների առաջադրմամբ (առկայության դեպքում),

գ. օրենսդրորեն կարգավորել տեխնիկական կանոնակարգման օրյեկտ չհանդիսացող արտադրանքի շուկայահանման պահանջները՝ համապատասխանության կամավոր գնահատման ոլորտի ԵԱՏՄ և ԵՄ փորձի և օրենսդրական կարգավորումների (եթե առկա են) ուսումնասիրության հիման վրա նախագծելով կարգավորման ազգային օրենսդրության շրջանակները.

2) հավատարմագրման շրջանակներում

ա. «Հավատարմագրման ազգային մարմին» ՊՈԱԿ-ի կայքէջի և ռեեստրների (հավատարմագրված համապատասխանության գնահատման մարմինների, գնահատողների, փորձագետների, համապատասխանության սերտիֆիկատների և համապատասխանության հայտարարագրերի) սպասարկում և արդիականացում,

բ. հավատարմագրման ազգային մարմնի անձնակազմի ուսուցում՝ միջազգային չափանիշներին համապատասխան,

գ. մասնակցություն աշխատաժողովներին, սեմինարներին՝ միջազնության և միջազգային համաձայնագրերով ստանձնած պարտավորությունների համաձայն,

դ. միջազգային և եվրոպական հավատարմագրման կազմակերպություններին անդամակցություն.

3) ստանդարտացման շրջանակներում «Ստանդարտների ազգային ինստիտուտ» փակ բաժնետիրական ընկերությունը (այսուհետ՝ Ստանդարտների ազգային ինստիտուտ) նախատեսում է իրականացնել՝

ա. ԵԱՏՄ տեխնիկական կանոնակարգերի պահանջների կատարումն ապահովող ստանդարտների ցանկերի նախագծերի մշակմանը մասնակցություն, ստանդարտների ցանկերում փոփոխություն կատարելու նախագծերի փորձաքննություն և դրանցում նախատեսված արդիականացված ստանդարտների գործարկման ապահովում Հայաստանի Հանրապետությունում,

բ. ստանդարտացման քնազավառի ԵԱՏՄ կոմիտեների և ենթակոմիտեների,  
ինչպես նաև միջազգային կազմակերպությունների նիստերին մասնակցություն,

գ. Ստանդարտների ազգային ինստիտուտի համապատասխանության գնահատման  
մարմինների (ՀԳՄ) գործունեության հաշվառման էլեկտրոնային բազայի սպասարկում և  
տեղեկատվական տեխնոլոգիաների (ՏՏ) աշխատանքների իրականացում,

դ. լարորատոր կարողությունների գարգացում՝ լարորատոր սարքերի համալրող  
արագամաշ սարքավորումների և փորձարկման ստանդարտ նմուշների ձեռքբերում՝  
Ստանդարտների ազգային ինստիտուտի լարորատոր կարողությունների գարգացմանն  
ուղղված՝ ցածր լարման սարքավորումների փորձարկման ‘նպատակով’ համապատա-  
խան լարորատոր սարքավորումների ձեռքբերմամբ, ինչը կնպաստի տվյալ ոլորտում  
իրականացվող աշխատանքների արդյունավետության բարձրացմանը.

4) շուկայի վերահսկողության շրջանակներում, նախատեսվում է թանկարժեք մետաղ-  
ների և ոսկերչական իրերի անալիզատորի ձեռքբերում՝ շուկա մուտք գործող ապրանք-  
ների և ծառայությունների բարձր որակի ապահովման, վտանգավոր և սահմանված  
պահանջներին չհամապատասխանող արտադրանքից շուկայի պահպանության և  
սպառողների իրավունքների պաշտպանության նպատակով, առևտրում տեխնիկական  
խոչընդոտների վերացմանը. շուկայի վերահսկողության նկատմամբ սպառողների վստա-  
հության բարձրացմանն ուղղված.

5) չափագիտության շրջանակներում կարևորելով Հայաստանի Հանրապետության  
տնտեսության գարգացման և միջազգային շուկաների հետ ինտեգրման գործընթացում  
Հայաստանում չափումների միասնականության ապահովման ոլորտի լիարժեք կայացած,  
ճանաչված լինելը՝ չափագիտության ոլորտային միջոցառումների իրականացմամբ նախա-  
տեսվում է ապահովել միջազգային չափումների միասնականության համակարգին ներ-  
դաշնակ աշխատանք: 2016 թվականի ծրագրի շրջանակներում նախատեսվում են՝

- ա. Էտալոնային համակարգերի տեխնիկական սպասարկման աշխատանքներ,  
գիտական հետազոտություններ,
- բ. Եղակետային չափման միջոցների տրամաչափարկում,
- գ. սարքավորումների և էտալոնային համակարգերի ձեռքբերում:

## II. ԾՐԱԳՐԻ ՄՇԱԿՄԱՆ ՀԻՄՔԵՐԸ

### 5. Ծրագրի մշակման համար հիմք են՝

- 1) Հայաստանի Հանրապետության կառավարության 2010 թվականի դեկտեմբերի 16-ի N 1693-Ն որոշումը.
- 2) Հայաստանի Հանրապետության կառավարության 2015 թվականի դեկտեմբերի 24-ի N 1555-Ն որոշման 15-րդ կետի 6-րդ ենթակետը.
- 3) Հայաստանի Հանրապետության Էկոնոմիկայի նախարարության բնագավառի գերակայող ուղղությունները և Հայաստանի Հանրապետության կառավարության ուղղությունները և նպատակները.
- 4) 2014 թվականի հոկտեմբերի 10-ին Մինսկում ստորագրված «Հայաստանի Հանրապետության «Եվրասիական տնտեսական միության մասին» 2014 թվականի մայիսի 29-ի պայմանագրին միանալու մասին» պայմանագիրը:

## III. ԾՐԱԳՐԻ ՆՊԱՏԱԿՆԵՐԸ

6. Որակի ենթակառուցվածքի բարեփոխման ծրագրի նպատակներն են՝
- 1) տեխնիկական կանոնակարգման ուղղության նպատակն արտադրանքի և գործընթացի նկատմամբ միջազգային ստանդարտների վրա հիմնված տեխնիկական նորմեր սահմանելն է, որոնք մի կողմից ապահովում են ներքին շուկայի զարգացման մեխանիզմները և ուղղված են հանրային շահերի պաշտպանությանը, մյուս կողմից

կապահովեն ազգային որակի ենթակառուցվածքի գարգացման հեռանկարային ուղղվածություն և գոյություն ունեցող համակարգը կրարեփոխսեն այնպես, որ այն համապատասխանի միջազգային և ԵԱՏՄ պահանջներին: Իհարկե պետք է առաջնային նշանակության արժանացնել այն հանգամանքը, որ Առևտրի համաշխարհային կազմակերպության Առևտրի տեխնիկական խոչընդոտների համաձայնագրում կոչ է արվում կիրառել այնպիսի նորմեր և գնահատման ընթացակարգեր, որոնք առևտուրն առավել չահմանափակեն, քան անհրաժեշտ է հետապնդվող նպատակին հասնելու համար.

2) հավատարմագրման ուղղության նպատակը միջազգային և տարածաշրջանային հավատարմագրման համակարգերին ինտեգրում է, այդ թվում հավատարմագրման արդյունքների փոխանաշման բազմակողմ, երկկողմ համաձայնագրերում հավատարմագրման մարմնի մասնակցությունը, ինչը կվերացնի առևտրային գործընթացի խոչընդոտները, կապահովի ապրանքների ազատ տեղաշարժը, կրացառի նույն ապրանքի կրկնակի փորձարկման և կրկնակի սերտիֆիկացման անհրաժեշտությունը և կնպաստի տնտեսության զարգացմանը.

3) ստանդարտացման ուղղության նպատակն է աջակցել ԵԱՏՄ տեխնիկական կանոնակարգերի արդյունավետ գործարկմանը Հայաստանի Հանրապետության տնտեսության ոլորտներում, ստեղծելով բարենպաստ պայմաններ հայրենական գործարաներին և արդյունաբերողներին իրականացնել արտադրանքի արտահանումն առանց խոչընդոտների, պաշտպանել Հայաստանի Հանրապետության շահերը ստանդարտացման օրենսդրական և նորմատիվ փաստաթղթերի մշակման գործընթացում՝ ապահովելով մասնակցությունը ստանդարտացման միջազգային և միջազգային տեխնիկական հանձնաժողովների աշխատանքներին, ապահովել Հայաստանի Հանրապետության ազգային ստանդարտների ընդգրկումը ԵԱՏՄ տեխնիկական կանոնակարգերի պահանջների կատարումն ապահովող ստանդարտների ցանկում.

4) շուկայի վերահսկողության ուղղության նպատակը միջազգային, եվրոպական և տարածաշրջանային համակարգերին ինտեգրումն է, այդ թվում շուկայի վերահսկողության արդյունքների փոխանակման բազմակողմանի համաձայնագրերում շուկայի վերահսկողության մարմնի մասնակցությունը, ինչը կվերացնի առևտրային գործընթացի խոչնդուտները, կապահովի ապրանքների ազատ տեղաշարժը, կրացառի վտանգավոր արտադրանքի ներմուծումը Հայաստանի Հանրապետություն և կնպաստի տնտեսության զարգացմանը.

5) չափագիտության ուղղության հիմնական նպատակը չափումների ոչ հավաստի արդյունքների բացասական հետևանքներից սպառողների իրավունքների և օրինական շահերի պաշտպանությունը և տնտեսության զարգացումն ու գիտատեխնիկական առաջընթացն է: Նպատակներն են նաև՝ ազգային էտալոնների արդիականացումը և պահպանությունը, պարամետրերի բարելավումն ու աշխատունակ վիճակի ապահովումը, որոնք սերտորեն առնչվում են «Չափագիտության ազգային ինստիտուտ» ՓԲԸ-ի զարգացման ծրագրերի իրականացման հետ:

#### IV. ԾՐԱԳՐԻ ԽՆԴԻՐՆԵՐԸ

7. Հայաստանի Հանրապետության որակի ենթակառուցվածքի բարեփոխման 2016 թվականի ծրագրի միջոցառումներն ուղղված են ինչպես Հայաստանի Հանրապետության էկոնոմիկայի նախարարության պետական բաղաքականության արդյունավետ և հետևողական իրականացմանը, որակի ենթակառուցվածքի ոլորտի ինստիտուտների զարգացմանը, այնպես էլ որակի ենթակառուցվածքի բարեփոխման ուղղությունների պետական բաղաքականության իրականացմանը: Ծրագրի իրականացման գործընթացը կնպաստի Հայաստանի Հանրապետության կառավարության և այլ ռազմավարական ծրագրերով, մասնավորապես, Հայաստանի Հանրապետության կառավարության 2010

թվականի դեկտեմբերի 16-ի N 1693-Ն որոշմամբ որակի ենթակառուցվածքի գարզացման ռազմավարության գործողությունների ծրագրով նախատեսված գործառույթների իրականացմանը՝

1) տեխնիկական կանոնակարգման շրջանակներում

ա. ոլորտի աստիճանական համապատասխանեցում տեխնիկական կանոնակարգման և համապատասխանության գնահատման ոլորտներում գործող ԵԱՏՄ և միջազգային պահանջներին՝ գլոբալ համակարգին լիակատար ինտեգրմամբ,

բ. համապատասխանության կամավոր գնահատման համակարգի կայացում օրենսդրական դաշտի հիմնում,

գ. միջազգային արդյունավետ համագործակցության իրականացում,

դ. համապատասխանության և պարտադիր ու կամավոր գնահատման համակարգերի գարզացում և հզորացում.

2) հավատարմագրման շրջանակներում

ա. միջազգային չափանիշներին համապատասխան՝ հավատարմագրման ազգային համակարգի ձևավորում,

բ. հավատարմագրման աշխատանքների արդյունքների՝ հավատարմագրման վկայագրերի և հաշվետվությունների, համապատասխանության սերտիֆիկատների, փորձարկման արձանագրությունների փոխանազում,

գ. արտաքին և ներքին առևտրում տեխնիկական խոչընդոտների վերացում, ապրանքների մրցունակության բարձրացում և միջազգային շուկայում ինտեգրման նախապայմանների ստեղծում,

դ. համապատասխանության գործընթացում ընդգրկված փորձագետների մասնագիտական ուսուցման հետ կապված առկա դժվարությունները.

3) ստանդարտացման շրջանակներում

ա. ԵԱՏՄ տեխնիկական կանոնակարգերի պահանջներն ապահովող ստանդարտների ցանկերի ուսումնասիրություն և փորձաքննության կազմակերպում՝ ստանդարտացման տեխնիկական հանձնաժողովների միջոցով,

բ. ԵԱՏՄ տեխնիկական կանոնակարգերի պահանջների կատարումն ապահովող ստանդարտների ցանկերի նախագծերի մշակման գործընթացում մասնակցելու համար մասնագետների ներգրավում,

գ. տեխնիկական հանձնաժողովների աշխատանքների շարունակական ու արդյունավետ ընթացքի ապահովում, ինչպես նաև ստանդարտացման սկզբունքների պահպանում,

դ. ԵԱՏՄ տեխնիկական կանոնակարգերի մշակման աշխատանքներին ակտիվ մասնակցություն՝ դրանցում ընդգրկելով համապատասխան ոլորտի շահագրգիռ բոլոր կողմերին,

ե. լարորատոր կարողությունների հզորացում՝ սարքավորումների լրակազմության և փորձարկումների բարձր որակի ապահովում.

#### 4) շուկայի վերահսկողության շրջանակներում

ա. շահագրգիռ բոլոր կողմերի համար հավասար իրավունքների հիմնումը՝ վերացնելով առևտրային գործընթացի խոչընդոտները,

բ. ապահովել ապրանքների ազատ տեղաշարժը,

գ. բացառել վտանգավոր արտադրանքի ներմուծումը Հայաստանի Հանրապետություն,

դ. սպառողների շահերի պաշտպանության մակարդակի բարձրացումը.

5) չափագիտության շրջանակներում՝ օրեցօր զարգացող տեխնիկական համակարգերը թելադրում են նոր խնդիրներ չափագիտական սպասարկման թե՛՝ որակի, թե՛՝ տեխնիկական մակարդակի առումով: Եվ հենց «Չափագիտության ազգային ինստիտուտ» ՓԲԸ-ն չափագիտական սպասարկում է ապահովում Հայաստանի Հանրապետության

ամբողջ տարածքում, և այդ համակարգն անմիջականորեն շոշափում է տնտեսության բնականոն զարգացումը՝ միջազգային համագործակցության խորացումը, ձեռք բերել միջազգային ճանաչում ունենալով չափումների միջազգային հետևելիություն և մաս կազմել չափումների միասնականության ապահովման միջազգային համակարգին:

#### V. ԾՐԱԳՐԱՅԻՆ ՈՒՂՂՈԽԹՅՈՒՆԵՐԸ (ՄԻՋՈՑԱՌՈՒՄՆԵՐԸ)

8. Որակի ենթակառուցվածքի բարեփոխման ուղղությունների համակարգը ներառում է հետևյալ միջոցառումները՝

1) տեխնիկական կանոնակարգման շրջանակներում տեխնիկական կանոնակարգման ոլորտի առկա օրենսդրական դաշտի մոտարկում ԵԱՏՄ և ԵՄ պահանջներին և վերլուծություն, մասնավորապես՝

ա. Եվրամիության և Եվրասիական տնտեսական միության տեխնիկական կանոնակարգման ոլորտի թվով 5 գործող ոչ պարենային արտադրանքի տեխնիկական կանոնակարգերի ուսումնասիրություն և համադրում՝ հակասությունների բացահայտման տևսանկյունից,

բ. Եվրասիական տնտեսական միության թվով 4 ոչ պարենային արտադրանքի տեխնիկական կանոնակարգերի նախագծերի համադրում ազգային տեխնիկական կանոնակարգերի հետ,

գ. մասնագիտական փորձառություն ունեցող՝ որակավորված (միջազգային) փորձագետների ներգրավում,

դ. արտադրանքի և ծառայությունների որակի ապահովման բնագավառում Հայաստանի Հանրապետության կառավարության ամենամյա մրցանակներ սահմանելու, մրցանակարաշխության կարգի սահմանում՝ ԵՄ և ԵԱՏՄ փորձի ուսումնասիրություն.

ե. համապատասխանության կամավոր գնահատման համակարգի ԵԱՏՄ և ԵՄ փորձի ուսումնասիրություն, չափանիշների սահմանում,

գ. տեխնիկական կանոնակարգման ոլորտի մասնագետների ուսուցում ԵԱՏՄ և ԵՄ (միջազգային) չափանիշներին համապատասխան՝ վերապատրաստման դասընթացների, ուսուցողական այցերի և սեմինարների կազմակերպմամբ և՝ ԵԱՏՄ, և՝ ԵՄ երկրներում.

## 2) հավատարմագրման շրջանակներում՝

ա. «Հավատարմագրման ազգային մարմին» ՊՈԱԿ-ի կայքէջի և ռեեստրների (հավատարմագրված համապատասխանության գնահատման մարմինների, գնահատողների, փորձագետների, համապատասխանության սերտիֆիկատների և համապատասխանության հայտարարագրերի) սպասարկում և արդիականացում, որի շրջանակներում պարբերաբար արդիականացվում են հավատարմագրված համապատասխանության գնահատման մարմինների, գնահատողների, փորձագետների, համապատասխանության սերտիֆիկատների և գրանցված համապատասխանության հայտարարագրերի ռեեստրներն իրենց մեջ ներառում են հավատարմագրված անձանց անվանումը, գտնվելու վայրը, կազմակերպության դեկավարի տվյալները, հավատարմագրման տեսակը, հավատարմագրման ոլորտը, հավատարմագրման ժամկետը, հավատարմագրման վկայագրի գրանցահամարը, նույնականացման նշագիրը և այլն: Արդիականացվում է նաև հավատարմագրման ազգային մարմնի կայքէջում տեղադրված փաստաթղթերի թարգմանությունը՝ հավատարմագրման ազգային մարմնի կայքէջի ռուսերեն և անգլերեն բաժիններում համապատասխան փաստաթղթերի համալրմամբ: «Հավատարմագրման ազգային մարմին» ՊՈԱԿ-ին վերաբերող բոլոր օրենսդրական, ենթաօրենսդրական ակտերի, ինչպես նաև հավատարմագրմանն առնչվող փաստաթղթերի (կառավարման ձեռնարկ, ընթացակարգեր, կանոնադրություն և այլն) թարգմանություն՝ ռուսերեն և անգլերեն: Հավատարմագրման եվրոպական համագործակցությանը (ԵԱ) և միջազգային հավատարմագրման եվրոպական համագործակցությանը (ЕԱ) և միջազգային հավատարմագրման եվրոպական համագործակցությանը (ԵԱ)

մագրման կազմակերպություններին (ԼՀՄՀ՝ Հարորատորիաների հավատարմագրման միջազգային համագործակցություն, ՀՍՖ՝ Հավատարմագրման միջազգային ֆորում) անդամակցելու նպատակով անհրաժեշտ է անգլերեն թարգմանել «Հավատարմագրման ազգային մարմին» ՊՈԱԿ-ին վերաբերվող բոլոր օրենսդրական, ենթաօրենսդրական ակտերը, ինչպես նաև հավատարմագրման առնչվող փաստաթղթերը (կառավարման ձեռնարկ, ընթացակարգեր, կանոնադրություն և այլն),

թ. հավատարմագրման ազգային մարմնի անձնակազմի ուսուցում միջազգային չափանիշներին համապատասխան՝ վերապատրաստման դասընթացների կազմակերպմամբ, եվրոպական պահանջների և լավագույն փորձի ուսումնասիրության, գիտելիքներ ԻՍՕ/ԻԷԿ 22000, ԻՍՕ/ԻԷԿ 17000 շարքի ստանդարտների, հավատարմագրմանը վերաբերող միջազգային և տարածաշրջանային իրավական ակտերի կիրառման ուղղությամբ, ինչպես նաև միջազգային և տարածաշրջանային հավատարմագրման համագործակցությունների կողմից ընդունված լրացուցիչ պահանջների ուղղությամբ: Հավատարմագրման ազգային համակարգը միջազգային չափանիշներին համապատասխանեցնելու նպատակով անհրաժեշտ է, որպեսզի հավատարմագրման ազգային մարմնի աշխատակիցներն ուսուցողական այցով գործուղվեն ԵԱՏՄ և ԵՄ պետություններ՝ ուսումնասիրելու հավատարմագրման համակարգի և միջազգային փորձի առանձնահատկությունները, Հավատարմագրման եվրոպական համագործակցությանը (ЕА), Հարորատորիաների հավատարմագրման միջազգային համագործակցությանը (ԼՀՄՀ), Հավատարմագրման միջազգային ֆորումին (ՀՍՖ) անդամակցելու հնարավոր ուղիները հարթելու նպատակով,

գ. մասնակցություն աշխատաժողովներին, սեմինարներին՝ միջազնական և միջազգային համաձայնագրերով ստանձնած պարտավորություններին, որը կկարգավորի 2014 թվականի հունվարի 24-ի «ԱՊՀ անդամ երկրների հավատարմագրման ազգային

մարմինների համագործակցության մասին» հոլշագրի կիրարկումը և մասնակցությունը ԵԱՏՄ ենթակոմիտեների աշխատանքներին և Միջազգետական խորհրդի (ՄՊԽ) գիտա-տեխնիկական հանձնաժողովների, ենթակոմիտեների և աշխատանքային խմբերի աշխատանքներին,

դ. հավատարմագրման միջազգային և եվրոպական կազմակերպություններին անդամակցելու համար հայտի ներկայացման վճարներ, որի շրջանակներում նախա-տեսվում է հայտի փորձաքննության վճար՝ հավատարմագրման միջազգային և եվրո-պական կազմակերպություններին անդամակցելու նպատակով ներկայացված հայտերն այդ կազմակերպությունների կողմից ուսումնասիրելու համար.

### 3) ստանդարտացման շրջանակներում՝

ա. ԵԱՏՄ տեխնիկական կանոնակարգերի պահանջների կատարումն ապահովող ստանդարտների ցանկերի նախագծերի մշակմանը մասնակցություն, ստանդարտների ցանկերում փոփոխություն կատարելու նախագծերի փորձաքննություն և դրանցում նախատեսված արդիականացված ստանդարտների գործարկման ապահովում Հայաս-տանի Հանրապետությունում, որի շրջանակներում անհրաժեշտ է փորձաքննության ենթարկել ԵԱՏՄ 35 տեխնիկական կանոնակարգերի պահանջների կատարումն ապա-հովող ստանդարտները, ներդաշնակեցնել և գործողության մեջ դնել սահմանված միջազգային և միջազգետական ստանդարտները, որոնք կոչված են ապահովելու Հայաս-տանի տնտեսության տարրեր ճյուղերի գարգացման ու մրցունակության բարձրացման նախադրյաները: Բացի դրանից, փորձաքննության հետևանքով առաջարկություններ կներկայացվեն Եվրասիական տնտեսական հանձնաժողովին՝ ցանկերի լրամշակման և դրանցում Հայաստանի Հանրապետության ազգային ստանդարտների ընդգրկման վերաբերյալ,

թ. ստանդարտացման բնագավառի ԵԱՏՄ կոմիտեների և ենթակոմիտեների, ինչպես նաև միջազգային կազմակերպությունների նիստերին մասնակցություն՝ միջազգային համաձայնագրերով ստանդնած պարտավորությունների համաձայն, որի շրջանակներում և միջազգային համաձայնագրերով ստանդնած պարտավորությունների համաձայն Ստանդարտների ազգային ինստիտուտի ներկայացուցիչներն ակտիվ մասնակցություն պետք է ունենան ստանդարտացման և տեխնիկական կանոնակարգման ոլորտի ԵԱՏՄ համապատասխան կոմիտեների և ենթակոմիտեների աշխատանքներին՝ ապահովելով Հայաստանի Հանրապետության տնտեսական շահերի արտացոլումը մշակվող ակտերում,

գ. ԵԱՏՄ տեխնիկական կանոնակարգերում ընդգրկելու համար առաջարկվող Հայաստանի Հանրապետության ազգային ստանդարտների թարգմանություն ոռուերեն, որի շրջանակներում հնարավորություն է ստեղծվում ապահովել Հայաստանի Հանրապետության ազգային ստանդարտների ընդգրկումը ԵԱՏՄ տեխնիկական կանոնակարգերի պահանջների կատարում ապահովող ստանդարտների ցանկում, ինչը կնպաստի զուտ ազգային արտադրատեսակների ստանդարտների թարգմանության և նշված ցանկերում ընդգրկման շնորհիվ՝ առևտրում տնտեսական խոշնդուտների վերացմանը և Հայաստանի Հանրապետության ազգային շահերի պաշտպանության ապահովմանը.

դ. ԵԱՏՄ 004-2011 «Ցածր լարման սարքավորումների անվտանգության մասին» տեխնիկական կանոնակարգի պահանջների կատարումն ապահովելու նպատակով էլեկտրատեխնիկական լաբորատոր փորձարկման սարքավորումների և նավթամթերքի փորձարկումների լաբորատորիայի հզորացման համար լրացուցիչ սարքավորումների ձեռքբերում, որի շրջանակներում ԵԱՏՄ 004-2011 «Ցածր լարման սարքավորումների անվտանգության մասին» տեխնիկական կանոնակարգի պահանջներին ԵԱՏՄ շրջանակում համապատասխանության հավաստման աշխատանքների թարելավման նպատակով ծրագրով նախատեսվում է էլեկտրատեխնիկական փորձարկման լաբորատորիայի կարո-

դությունների հզորացում՝ լարորատոր սարքավորումներով վերագինման միջոցով։ Ժեւէ  
ձեռք բերվելիք սարքավորումների շնորհիվ ամրողությամբ չի ապահովվի տեխնիկական  
կանոնակարգով նախատեսված բոլոր պահանջների փորձարկումը, այդուհանդերձ դրանք  
թույլ կտան ապահովել արտաքին լուսավորման լուսատուների լուսատեխնիկական  
պահանջների և կենցաղային էլեկտրական սարքավորումների անվտանգության պա-  
հանջների փորձարկումները և զգալիորեն կհամալրեն այդ ոլորտում Հայաստանի  
Հանրապետության լարորատոր կարողությունները՝ նպատակ հետապնդելով փոխարինել  
հին կամ մաշված սարքավորումները նորերով, որոնք կապահովեն փորձարկումների  
առավել բարձր որակական ցուցանիշներ.

4) շուկայի վերահսկողության շրջանակներում նախատեսվում է թանկարժեք  
մետաղների և ոսկերչական իրերի անալիզատորի ձեռքբերում՝ շուկա մուտք գործող  
թանկարժեք մետաղների և ոսկերչական իրերի բարձր որակի ապահովման, վտան-  
գավոր և սահմանված պահանջներին չհամապատասխանող արտադրանքից շուկայի  
պահպանության և սպառողների իրավունքների պաշտպանության նպատակով, առևտորում  
տեխնիկական խոշընդոտների վերացմանը, շուկայի վերահսկողության նկատմամբ սպա-  
ռողների վստահության բարձրացմանն ուղղված.

#### 5) չափագիտության շրջանակներում

ա. կապահովվի Չափագիտության ազգային ինստիտուտի ելակետային չափման  
միջոցների տեխնիկական սպասարկման աշխատանքները՝ պահովելով ելակետային  
չափման միջոցների կայուն վիճակ.

բ. չափագիտության ազգային մարմնի ելակետային չափման միջոցների տրամա-  
չափարկում, որի շրջանակներում ԿՕՕՄԵՏ-ի (КООМЕТ) անդամ Բելառուսի չափագիտու-  
թյան ինստիտուտում կտրամաչափարկվեն չափագիտության ազգային մարմնի թվով 6 ելա-  
կետային չափման միջոցներ.

գ. սարքավորումների և էտալոնային համակարգերի ձեռքբերում, որի շրջանակներում ձեռք կրերվեն նոր սարքեր և կլուծվեն չափագիտության ոլորտի արդիական խնդիրները, կրարձրացվի չափումների ճշտությունը տարրեր ոլորտներում: Ձեռք կրերվեն նորմալ տարր, վատումետր, վերերմետր, տեսլամետր, վղտամպեր փուլաչափ և նման այլ չափման միջոցներ՝ տվյալ չափումների ճշգրտության բարձրացման համար:

## VI. ԾՐԱԳՐԻ ԻՐԱԿԱՆԱՑՄԱՆ ՍԿԶԲՈՒՆՔՆԵՐԸ ԵՎ ԱԿՆԿԱԼՎՈՂ ԱՐԴՅՈՒՆՔՆԵՐԸ

9. Որակի ենթակառուցվածքի բարեփոխման ծրագրի սկզբունքներն են՝

1) տեխնիկական կանոնակարգման ուղղության հիմնական սկզբունքը միջազգային լավագույն փորձի կիրառում ու ներդրումն է, հնարավորության սահմաններում ազգային օրենսդրության պաշտպանվածությունը և գործարար միջավայրի շահերի պաշտպանվածության ուղղված միջոցառումների իրականացումը՝ միջազգային լավագույն փորձի ընդգրկմամբ.

2) հավատարմագրման ուղղության սկզբունքներն են՝

ա. շահագրգիռ կողմերի ներգրավումը,

բ. որակի ենթակառուցվածքի շրջանակներում բաղաքական ազդեցության և պոտենցիալ շահերի բախման բացառումը,

գ. բարեփոխված հավատարմագրման ազգային մարմնի անկախությունը և կայունությունը,

դ. համապատասխան գիտելիքների, հմտությունների ուսուցման և վերապատրաստման ներքին համակարգի կարողությունների առկայությունը, հավատարմագրման ծառայություններից սպառողների օգտվելու պատրաստակամությունը.

3) ստանդարտացման ուղղության սկզբունքներն են՝

ա. ազգային ստանդարտների մշակման, ընդունման և կամավոր կիրառման գործընթացում բոլոր շահագրգիռ կողմերի կամավոր ու հավասար մասնակցության իրավունքի պահպանումը,

բ. շահագրգիռ կողմերի փոխհամաձայնության վրա հիմնված ազգային ստանդարտների մշակումը և ընդունումը,

գ. ստանդարտացման գործընթացի բոլոր փուլերում աշխատանքների թափանցիկություն և պատշաճ մակարդակով հանրային իրազեկումը,

դ. ստանդարտացման գործընթացում շահագրգիռ կողմերի համընդհանուր շահերի նկատմամբ որևէ անձնական շահի գերիշխման կանխարգելումը,

ե. ազգային ստանդարտների համապատասխանությունը միմյանց և Հայաստանի Հանրապետության օրենսդրությանը,

գ. գիտության և տեխնոլոգիայի համաշխարհային նորարարական, առաջադիմական նվաճումների միջազգային (այդ թվում եվրոպական) ստանդարտացման կանոններն ու արդյունքները հաշվի առնելը,

է. միջազգային և տարածաշրջանային ստանդարտներին ներդաշնակ ազգային ստանդարտների մշակումը՝ հաշվի առնելով աշխարհագրական, կլիմայական և հիմնարար տեխնոլոգիական բնույթի տարբերությունների առկայությունը,

ը. բոլոր շահագրգիռ կողմերին գործողության մեջ դրված ազգային ստանդարտների և դրանց փոփոխությունների պատշաճ ծանուցումը,

թ. ստանդարտացման աշխատանքների իրականացում՝ տեխնիկական հանձնաժողովների և աշխատանքային խմբերի միջոցով.

4) շուկայի վերահսկողության ուղղության սկզբունքներն են՝

ա. օրինականությունը,

բ. միջազգային և տարածաշրջանային ստանդարտներին ներդաշնակեցված շուկայի վերահսկողության պահանջների կիրառում.

5) չափագիտության ուղղության սկզբունքներն են՝

ա. կարողությունների հզորացումը,

բ. միջազգային համագործակցության խորացումը:

10. Որակի ենթակառուցվածքի բարեփոխման ծրագրի ակնկալվող արդյունքներն են՝

1) տեխնիկական կանոնակարգման շրջանակներում՝

ա. Եվրամիության և Եվրասիական տնտեսական միության (ԵԱՏՄ) ոչ պարենային արտադրանքի թվով 5 տեխնիկական կանոնակարգերի համադրում՝ հակասությունների բացահայտման տեսանկյունից, Հայաստանի Հանրապետության ազգային տեխնիկական կանոնակարգման դաշտի օրենսդրության մոտարկում ԵԱՏՄ և ԵՄ պահանջներին համապատասխան,

բ. համապատասխանության կամավոր գնահատման համակարգի կայացում, օրենսդրության ուղղմավարական գործողությունների մշակում, չափանիշների սահմանում,

գ. արտադրանքի և ծառայությունների որակի ապահովման բնագավառում Հայաստանի Հանրապետության կառավարության ամենամյա մրցանակաբաշխության կարգի սահմանում ԵՄ և ԵԱՏՄ փորձի ուսումնասիրության հիման վրա,

դ. Եվրասիական տնտեսական միության թվով 4 ոչ պարենային արտադրանքի տեխնիկական կանոնակարգերի նախագծերի համադրում ազգային տեխնիկական կանոնակարգերի հետ՝ գործարար միջավայրի համար կարևոր ազգային չափանիշների առաջադրում նախագծում ներառելու նպատակով (առկայության դեպքում),

ե. տեխնիկական կանոնակարգման ոլորտում գործող ԵԱՏՄ և միջազգային չափանիշներին և գործընթացների պահանջներին իրագեկ, վերապատրաստված մասնագետներ.

2) հավատարմագրման շրջանակներում՝

ա. Հայաստանի Հանրապետությունում հավատարմագրման համակարգի զարգում և միջազգային ճանաչում,

բ. Հայաստանի Հանրապետությունում հավատարմագրման ազգային մարմնի կայացում, ինչը պայմաններ կստեղծի միջազգային և տարածաշրջանային պահանջներին համապատասխան համապատասխանության գնահատման մարմինների՝ փորձարկման և տրամաչափարկման լարորատորիաների, արտադրանքի, ծառայությունների, կառավարման համակարգերի և անձանց սերտիֆիկացման և տեխնիկական հսկողություն իրականացնող մարմինների հավատարմագրում,

գ. հավատարմագրված համապատասխանության գնահատման մարմինների կողմից մատուցվող ծառայությունների նկատմամբ վստահության ապահովում,

դ. ապրանքների ազատ տեղաշարժ և նույն ապրանքի կրկնակի փորձարկման և սերտիֆիկացման անհրաժեշտության բացառում,

Ե. հավատարմագրման ազգային մարմնում կառավարման համակարգի ներդրում, պաշտոնական կայքէջի, գնահատողների ու փորձագետների, սերտիֆիկացման մարմինների և փորձարկման լարորատորիաների և ԵԱՏՄ տեխնիկական կանոնակարգերի համաձայն տրված համապատասխանության սերտիֆիկատների և հայտարարագրերի միասնական ռեեստրների վարում,

գ. միջազգային ստանդարտների պահանջներին իրազեկ, վերապատրաստված մասնագետներ/գնահատողներ,

Է. համապատասխանության գնահատման աշխատանքների իրականացման համար պահանջվող ժամանակի և ֆինանսական ռեսուրսների բանակի կրճատում, բարենպատ պայմանների ստեղծում տեղական արտադրողի համար.

3) ստանդարտացման շրջանակներում՝

- ա. տեխնիկական կանոնակարգման ոլորտում տեխնիկական կանոնակարգերի պահանջներն ապահովող ներդաշնակեցված ստանդարտների առկայություն,
- բ. միջազգային և տարածաշրջանային պահանջներին ներդաշնակ ստանդարտներ,
- գ. ԵԱՏՄ տեխնիկական կանոնակարգերի կիրարկումն ապահովող ազգային ստանդարտի ընդունում,
- դ. ԵԱՏՄ շրջանակներում իրականացվող տեխնիկական կանոնակարգման համար անհրաժեշտ ստանդարտացման աշխատանքներում Հայաստանի Հանրապետության շահերի լիարժեք ներկայացում,
- ե. նորագոյն համակարգչային ծրագրերի միջոցով սերտիֆիկացման աշխատանքների հետևելիության, Էլեկտրոնային կառավարման և արդյունավետության բարձրացման ապահովում,
- գ. լարորատոր փորձարկման նոր առաջավոր մեթոդների իրականացում.
- 4) շուկայի վերահսկողության շրջանակներում՝ թանկարժեք մետաղների և ոսկերչական չիամապատասխանող արտադրանքից շուկայի պահպանությունը և սպառողների իրավունքների պաշտպանությունը.
- 5) չափագիտության շրջանակներում
- ա. Հայաստանի Հանրապետության տարածքում միջազգային հետևելի ու ճանաչված չափումների միասնականության ապահովում,
- բ. չափագիտության ազգային մարմնի չափագիտական կարողությունների ավելացում,
- գ. եղակետային չափման միջոցների կայուն բնութագրերի և հետևելի չափումների ապահովում,
- դ. միջազգային համագործակցության խորացում:

VII. ՀԱՄԱԳՈՐԾԱԿՑՈՒԹՅՈՒՆԸ ԾՐԱԳԻՐՆ ԻՐԱԿԱՆԱՑՆԵԼԻՍ

11. Ծրագրի իրականացումը նախատեսվում է ապահովել շահագրգիռ կողմերի՝ պետական կառավարման, տեղական ինքնակառավարման մարմինների, մասնավոր հատվածի և միջազգային կազմակերպությունների համագործակցությամբ:

#### VIII. ԾՐԱԳՐԻ ՖԻՆԱՆՍԱԿԱՆ ԱՊԱՀՈՎՈՒՄԸ

12. Որակի ենթակառուցվածքի բարեփոխման 2016 թվականի ծրագիրը կիրականացվի Հայաստանի Հանրապետության 2016 թվականի պետական բյուջեի ֆինանսավորմամբ՝ 200 մլն դրամ գումարի չափով և Հայաստանի Հանրապետության օրենքով չարգելված այլ միջոցների հաշվին:

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ  
ԿԱՌԱՎԱՐՈՒԹՅԱՆ ԱՇԽԱՏԱԿԱԶՄԻ  
ՂԵԿԱՎԱՐ-ՆԱԽԱՐԱՐ

Դ. ՀԱՐՈՒԹՅՈՒՆՅԱՆ

Հավելված N 2  
 ՀՀ կառավարության 2016 թվականի  
 ապրիլի 21-ի N 397 - Ա որոշման

ԺԱՄԱՆԱԿԱՑՈՒՅՑ

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՈՐԱԿԻ ԵՆԹԱԿԱՌՈՒԹՎԱԾԲՔԻ ԲԱՐԵՓՈԽՄԱՆ 2016 ԹՎԱԿԱՆԻ  
 ԾՐԱԳՐԻ ԻՐԱԿԱՆԱՑՄԱՆ ՄԻՋՈՑԱՌՈՒՄՆԵՐԻ

ՀՆ թ/կ	Միջոցառման անվանումը	Ակնկալվող արդյունքը	Պատասխանատու կատարողները	Կատարման ժամկետը	Ֆինանսավորման աղբյուրը
1	2	3	4	5	6
<b>I. Տեխնիկական կանոնակարգման ուղղության</b>					
1.	Եվրամիության և Եվրասիական տնտեսական միության տեխնիկական կանոնակարգման ոլորտի թվով 5 գործող ոչ պարենային արտադրանքի տեխնիկական կանոնակարգերի ուսումնասիրություն և համադրում	Տեխնիկական կանոնակարգերում կամ դրանցից բխող իրավական ակտերում փոփոխություններ կատարելու նպատակով ԵԱՏՄ ուղղված գրություն՝ ՀՀ գործարար միջավայրի համար անհրաժեշտ պայմանների ստեղծման նպա- տակով (համապատասխանության զնահատման ընթացակարգերի փոփոխման համար ԵՄ և միջազգային լավագույն փորձի ներգրավման նպատակով)	ՀՀ էկոնոմիկայի նախարարություն	2016 թ. ընթացքում	ՀՀ պետական բյուջե  ՀՀ օրենքով չարգելված այլ միջոցներ
2.	Արտադրանքի և ծառայությունների որակի ապահովման բնագավառում ՀՀ կառավարության ամենամյա	Արտադրանքի և ծառայությունների որակի ապահովման բնագավառում ՀՀ	ՀՀ էկոնոմիկայի նախարարություն	2016 թ. ընթացքում	ՀՀ պետական բյուջե  ՀՀ օրենքով

1	2	3	4	5	6
	մրցանակներ սահմանելու և մրցանակարաշնության նոր կարգի սահմանում ԵՄ և ԵԱՏՄ փորձի ուսումնասիրություն և ուժը կորցրած ճանաչել ՀՀ կառավարության 1998 թվականի «Արտադրանքի և ծառայությունների որակի ապահովման բնագավառում ՀՀ կառավարության ամենամյա մրցանակներ սահմանելու և շնորհելու մասին» N 116 որոշումը	կառավարության ամենամյա մրցանակներ սահմանելու, մրցանակարաշնության կարգի նախագծի ներկայացում ՀՀ կառավարություն			չարգելված այլ միջոցներ
3.	Եվրասիական տնտեսական միության թվով 4 ոչ պարենսային արտադրանքի տեխնիկական կանոնակարգերի նախագծերի համադրում ազգային տեխնիկական կանոնակարգերի հետ	Հայաստանի համար անհրաժեշտ պայմանների առաջադրում Եվրասիական տնտեսական հանձնաժողով՝ իրավական ակտի (ակտերի) նախագիծ (նախագծեր) (առկայության դեպքում)	ՀՀ Էկոնոմիկայի նախարարություն	2016 թ. ընթացքում	ՀՀ պետական բյուջե ՀՀ օրենքով չարգելված այլ միջոցներ
4.	Համապատասխանության կամավոր գնահատման ոլորտի ԵԱՏՄ և ԵՄ փորձի ուսումնասիրություն	Համապատասխանության կամավոր գնահատման ոլորտի օրենսդրական բազայի ստեղծում	ՀՀ Էկոնոմիկայի նախարարություն	2016 թ. ընթացքում	ՀՀ պետական բյուջե ՀՀ օրենքով չարգելված այլ միջոցներ
5.	Մասնակցություն աշխատաժողովներին, սեմինարներին՝ միջազնութական և միջազգային համաձայնագրերով	Գործուղումներ ԵԱՏՄ և ԵՄ երկրներ (Ռուսաստանի Դաշնություն, Գերմանիայի Դաշնություն, Լեհաստան՝ երկրի	ՀՀ Էկոնոմիկայի նախարարություն	2016 թ. ընթացքում	ՀՀ պետական բյուջե ՀՀ օրենքով չարգելված այլ

1	2	3	4	5	6
	ստանձնած պարտավորությունների համաձայն՝ ԵԱՏՄ և ԵՄ երկրներում գործուրումներ, վարչության աշխատակիցների մասնագիտական գիտելիքների բարձրացում	ընտրությունը պայմանական է), ԵԱՏՄ միջազգային չափանիշներին համապատասխան մասնագետների առկայություն՝ մասնագիտական մակարդակի բարձրացում			միջոցներ

II. Հավատարմագրման ուղղության

1.	ՊՈԱԿ-ի կայք էջի և ուսուցչների (հավատարմագրված համապատասխանության գնահատման մարմինների, գնահատողների, փորձագետների, համապատասխանության սերտիֆիկատների, համապատասխանության հայտարարագրերի) սպասարկում և արդիականացում	Հավատարմագրված համապատասխանության գնահատման մարմինների, գնահատողների, փորձագետների, համապատասխանության սերտիֆիկատների և համապատասխանության հայտարարագրերի ուսուցչների արդիականացում: Ուսուելու և անզերելու լեզուներով կայքէջ և հավատարմագրմանն առնչվող փաստաթղթեր	ՀՀ Էկոնոմիկայի նախարարություն «Հավատարմագրման ազգային մարմին» ՊՈԱԿ (համաձայնությամբ)	2016 թ. ընթացքում	ՀՀ պետական բյուջեն ՀՀ օրենքով չարգելված այլ միջոցներ
2.	Հավատարմագրման ազգային մարմին անձնակազմի ուսուցում միջազգային չափանիշներին համապատասխան	Հավատարմագրման միջազգային և տարածաշրջանային պահանջների և լավագույն փորձի ուսումնասիրություն, ինչպես նաև գործնական փորձի ձեռքբերում (գործուղում Բելառուսի Հանրապետություն)	ՀՀ Էկոնոմիկայի նախարարություն «Հավատարմագրման ազգային մարմին» ՊՈԱԿ (համաձայնությամբ)	2016 թ. ընթացքում	ՀՀ պետական բյուջեն ՀՀ օրենքով չարգելված այլ միջոցներ

1	2	3	4	5	6
3.	Մասնակցություն աշխատաժողովներին, սեմինարներին՝ միջալտական և միջազգային համաձայնագրերով ստանդած պարտավորությունների համաձայն	Մասնակցություն ԵԱՏՄ հավատարմագրման բնագավառի ենթակոմիտեների նիստերին, գիտատեխնիկական հանձնաժողովի, աշխատանքային խմբերի աշխատանքներին ԱՊՀ անդամ երկրների հավա- տարմագրման ազգային մարմին- ների միջև կարգադրության հուշագրի կիրարկումն ապահովող աշխատանքային հանդիպումներին (գործուղում Մեծ Բրիտանիա, Ռուսաստանի Դաշնություն՝ երկրի ընտրությունը պայմանական է)	ՀՀ Էկոնոմիկայի նախարարություն «Հավատարմագրման ազգային մարմին» ՊՈԱԿ (համաձայնությամբ)	2016 թ. ընթացքում	ՀՀ պետական բյուջեն  ՀՀ օրենքով չարգելված այլ միջոցներ
4.	Միջազգային և եվրոպական հավատարմագրման կազմակերպություններին անդամակցություն	Հավատարմագրման միջազգային և եվրոպական կազմակերպու- թյուններին անդամակցության նախապատրաստում: Հայտերի փորձաքննություն սշված կազմակերպությունների կողմից	ՀՀ Էկոնոմիկայի նախարարություն «Հավատարմագրման ազգային մարմին» ՊՈԱԿ (համաձայնությամբ)	2016 թ. ընթացքում	ՀՀ պետական բյուջեն  ՀՀ օրենքով չարգելված այլ միջոցներ
<b>III. Ստանդարտացման ուղղության</b>					
1.	ԵԱՏՄ տեխնիկական կանոնակարգերի և տեխնիկական կանոնակարգերի նախագծերի պահանջների կատարում	Տեխնիկական կանոնակարգման ուղղություն տեխնիկական կանոնակարգերի և տեխնիկական կանոնակարգերի նախագծերի	ՀՀ Էկոնոմիկայի նախարարություն «Ստանդարտների	2016 թ. ընթացքում	ՀՀ պետական բյուջեն  ՀՀ օրենքով

1	2	3	4	5	6
	ապահովող ստանդարտների ցանկերի նախագծերի մշակմանը մասնակցություն, ստանդարտների ցանկերում փոփոխություն կատարելու նախագծերի փորձաքնություն և դրանցում նախատեսված արդիականացված ստանդարտների գործարկման ապահովում ՀՀ-ում	պահանջներն ապահովող արդիականացված ստանդարտների առկայություն	ազգային ինստիտուտ» ՓԲԸ (համաձայնությամբ)		չարգելված այլ միջոցներ
2.	ԵԱՏՄ տեխնիկական կանոնակարգման և ստանդարտացման բնագավառի կոմիտեների և ենթակոմիտեների նիստերին մասնակցություն	ԵԱՏՄ համաձայնագրով ստանդանած պարտավորությունների կատարում, ՀՀ շահերի ներկայացում ԵԱՏՄ նոր տեխնիկական կանոնակարգերի մշակման ժամանակ (գործուղումներ ՈՒԴ)	ՀՀ Էկոնոմիկայի նախարարություն «Ստանդարտների ազգային ինստիտուտ» ՓԲԸ (համաձայնությամբ)	2016 թ. ընթացքում	ՀՀ պետական բյուջե ՀՀ օրենքով չարգելված այլ միջոցներ
3.	ԵԱՏՄ տեխնիկական կանոնակարգերում ընդգրկման համար առաջարկվող ՀՀ ազգային ստանդարտների թարգմանություն ռուսերեն	ԵԱՏՄ տեխնիկական կանոնակարգերի պահանջների կատարում ապահովող ստանդարտների ցանկերում Հայաստանի Հանրապետության ազգային ստանդարտների ընդգրկման ապահովում՝ ազգային ստանդարտների ռուսերեն տարրերակների նախապարաստման միջոցով	ՀՀ Էկոնոմիկայի նախարարություն «Ստանդարտների ազգային ինստիտուտ» ՓԲԸ (համաձայնությամբ)	2016 թ. ընթացքում	ՀՀ պետական բյուջե ՀՀ օրենքով չարգելված այլ միջոցներ

1	2	3	4	5	6
4.	ԵԱԾՄ 004-2011 «Ցածր լարման սարքավորումների անվտանգության մասին» տեխնիկական կանոնակարգի պահանջների կատարումն ապահովելու նպատակով լարորատոր փորձարկման սարքավորումների ձեռքբերում	Ստանդարտների ազգային ինստիտուտի լարորատոր սարքավորումների արդիականացում աշխատանքի արդյունավետության բարձրացում	ՀՀ Էկոնոմիկայի նախարարություն «Ստանդարտների ազգային ինստիտուտ» ՓԲԸ (համաձայնությամբ)	2016 թ. ընթացքում	ՀՀ պետական բյուջեն ՀՀ օրենքով չարգելված այլ միջոցներ

IV. Զարդարության ուղղության

1.	Էտալոնային համակարգերի տեխնիկական սպասարկում. աշխատավարձ անձնակազմին՝ գիտական և հետազոտական աշխատանքների իրականացում	Էտալոնային համակարգերի պահպանման ուղղված կայուն աշխատանքային վիճակի ապահովում	ՀՀ Էկոնոմիկայի նախարարություն «Զարդարության ազգային ինստիտուտ» ՓԲԸ (համաձայնությամբ)	2016 թ. ընթացքում	ՀՀ պետական բյուջեն ՀՀ օրենքով չարգելված այլ միջոցներ
2.	Ելակետային չափման միջոցների տրամաչափերի չափումների միասնականության համակարգում միջազգային միավորներին հետևելի չափման միջոցներ	Բեկառուսի պետական չափագիտության ինստիտուտում ՀՀ չափումների միասնականության համակարգում միջազգային միավորներին հետևելի չափման միջոցներ	ՀՀ Էկոնոմիկայի նախարարություն «Զարդարության ազգային ինստիտուտ» ՓԲԸ (համաձայնությամբ)	2016 թ. ընթացքում	ՀՀ պետական բյուջեն ՀՀ օրենքով չարգելված այլ միջոցներ
3.	Սարքավորումների և էտալոնային համակարգերի ձեռքբերում	Չափումների միասնականության ապահովման բնագավառի միջազգային պրակտիկայում ընդունելի չափումների	ՀՀ Էկոնոմիկայի նախարարություն «Չափագիտության	2016 թ. ընթացքում	ՀՀ պետական բյուջեն ՀՀ օրենքով

1	2	3	4	5	6
		իրականացման ճշտության դասի ապահովում	ազգային ինստիտուտ» ՓԲԸ (համաձայնությամբ)		չարգելված այլ միջոցներ
<b>V. Շուկայի վերահսկողության ուղղության</b>					
1.	Թանկարժեք մետաղների և ոսկերչական իրերի անալիզատորների ձեռքբերում	Պետական վերահսկողության համար անհրաժեշտ սարքերի առկայություն	ՀՀ Էկոնոմիկայի նախարարություն	2016 թ. ընթացքում	ՀՀ պետական բյուջե  ՀՀ օրենքով չարգելված այլ միջոցներ

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ  
ԿԱՌԱՎԱՐՈՒԹՅԱՆ ԱՇԽԱՏԱԿԱԶՄԻ  
ԴԵԿԱՎԱՐ-ՆԱԽԱՐԱՐ



Դ. ՀԱՐՈՒԹՅՈՒՆՅԱՆ